



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-182-2/24**
Datum: **13.05.2024. godine**

«Agencija za vodno područje rijeke Save» Sarajevo rješavajući po zahtjevu JP «Vodovod i kanalizacija» d.o.o. Zenica za donošenje rješenja o vodnoj saglasnosti na projektnu dokumentaciju za izgradnju fekalnog kanalizacionog kolektora na području Bojin Vir – Raspotočje – Drivuša, Faza II, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Daje se vodna saglasnost JP «Vodovod i kanalizacija» d.o.o. Zenica za izgradnju fekalnog kanalizacionog kolektora na području Bojin Vir – Raspotočje – Drivuša, Faza II za kolektor «A» od RO34 do RO156 i kolektor «B» od RO121 na kolektoru «A» do ROB35 (javno vodno dobro-rijeka Bosna), a na osnovu projektne dokumentacije:
 - Glavni projekat fekalnog kolektora na području Bojin Vir – Raspotočje – Drivuša, Projektna mjera br.5 (Knjiga «A» i «B»), urađen od strane «p2m berlin GmbH», «GFA Consulting Group», «IDOM Consulting» i «SARAJ INŽENJERING» d.o.o. Sarajevo (broj: 49284.6110 (174/20)) te revidovan od strane «HYDRO CONTROL» d.o.o. Sarajevo (broj: R-043/23, septembar 2023. godine),
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona.
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove predviđene Fazom II na polaganju novog kanalizacionog kolektora na lijevoj obali rijeke Bosne izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova neophodno je utvrditi postojanje instalacija vodovoda, elektro, plina i ostale infrastrukture na obali i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U toku izvođenja radova, neophodno je poduzeti sve potrebne mjere zaštite da predmetnom aktivnošću ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanja kvaliteta vode i dr).
 - 3.5. Tehnologiju izvođenja radova u obalnom pojasu vodotoka prilagoditi uslovima na terenu, uz odgovarajuća osiguranja ljudi i materijalnih dobara.
 - 3.6. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.7. Po završenim radovima, potrebno je izvršiti uređenje korita, obale i pojasa u kome su vršeni radovi, tj. dovođenje kompletnog terena u prvobitno stanje.

- 3.8. Investitor (korisnik vodne saglasnosti) je obavezan ispoštovati uslove iz Rješenja o izmjeni Rješenja o urbanističkoj saglasnosti broj: 03-19-3861/23 izdatog dana 08.11.2023. godine od strane Službe za urbanizam Grad Zenica,
- 3.9. Ukoliko se izvođenjem radova na polaganju kanalizacionog kolektora ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
4. Po završetku predmetne aktivnosti – polaganje kanalizacionog kolektora i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
5. Korisnik vodne saglasnosti je dužan da prije početka izvođenja radova u saradnji sa nadležnim službama Grada Zenica riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
6. Ukoliko se izvođenjem radova na polaganju kanalizacionog kolektora i objekata na trasi (reviziona okna, pumpne stanice i sl) ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeto polaganje predmetnog kanalizacionog kolektora u skladu sa glavnim projektom iz tačke 1. dispozitiva ovog rješenja.
10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

Obrazloženje

Pravno lice, JP «Vodovod i kanalizacija» d.o.o. Zenica, obratilo se ovoj Agenciji dana 08.04.2024. godine sa zahtjevom za donošenje rješenja o vodnoj saglasnosti za izgradnju fekalnog kanalizacionog kolektora na području Bojin Vir – Raspotočje – Drivuša, Faza II za kolektor «A» od RO34 do RO156 i kolektor «B» od RO121 na kolektoru «A» do ROB35 (javno vodno dobro-rijeka Bosna), a u postupku pribavljanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-23-001977 izdatog dana 20.07.2023. godine od strane Općinskog suda u Zenici,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-8065-2/22 izdatog dana 24.11.2022. godine od strane Uprave za indirektno-neizravno oporezivanje Banja Luka,
- Kopija o urbanističkoj saglasnosti broj: 03-19-6804/21 izdatog dana 22.02.2022. godine od strane Službe za urbanizam Grad Zenica,
- Kopija Rješenja o izmjeni Rješenja o urbanističkoj saglasnosti broj: 03-19-7218/22 izdatog dana 07.04.2022. godine od strane Službe za urbanizam Grad Zenica,
- Kopija Rješenja o izmjeni Rješenja o urbanističkoj saglasnosti broj: 03-19-8390/22 izdatog dana 30.05.2022. godine od strane Službe za urbanizam Grad Zenica,
- Kopija Rješenja o izmjeni Rješenja o urbanističkoj saglasnosti broj: 03-19-8064/22 izdatog dana 08.11.2023. godine od strane Službe za urbanizam Grad Zenica,

- Kopija Rješenja o prethodnoj vodnoj saglasnosti broj: UP-1/21-1-40-539-8/23 izdatog dana 20.03.2024. godine od strane «Agencije za vodno područje rijeke Save» Sarajevo,
- Glavni projekat fekalnog kolektora na području Bojin Vir – Raspotočje – Drivuša, Projektna mjera br.5 (Knjiga «A» i «B»), urađen od strane «p2m berlin GmbH», «GFA Consulting Group», «IDOM Consulting» i «SARAJ INŽENJERING» d.o.o. Sarajevo (broj: 49284.6110 (174/20)) te revidovan od strane «HYDRO CONTROL» d.o.o. Sarajevo (broj: R-043/23, septembar 2023. godine),
- Dokaz o uplaćenju upravnoj taksi na zahtjev,

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na izgradnji fekalnog kanalizacionog kolektora na području Bojin Vir – Raspotočje – Drivuša, Faza II (za kolektor «A» od RO34 do RO156 i kolektor «B» od RO121 na kolektoru «A» do ROB35) izrađena je projektna dokumentacija - Glavni projekat fekalnog kolektora na području Bojin Vir – Raspotočje – Drivuša, Projektna mjera br.5 (Knjiga «A» i «B») od strane ovlaštenog projektanta projektanta «SARAJ INŽENJERING» d.o.o. Sarajevo i konsultanata «p2m berlin GmbH», «GFA Consulting Group» i «IDOM Consulting». Reviziju projektne dokumentacije uradila je ovlaštena projektna kuća «HYDRO CONTROL» d.o.o. Sarajevo, septembar 2023. godine.

Od strane Službe za urbanizam Grad Zenica, za izgradnju fekalnog kanalizacionog kolektora na području Bojin Vir – Raspotočje – Drivuša u dvije faze i produžetak trase kolektora za 175m izdato je JP «Vodovod i kanalizacija» d.o.o. Zenica dana 08.11.2023. godine Rješenje o izmjeni Rješenja o urbanističkoj saglasnosti broj: 03-19-3861/23 sa određenim uslovima. Podnosilac zahtjeva je pribavio Rješenje o urbanističkoj saglasnosti od nadležnog organa čime se potvrđuje da predmetna lokacija nije u koliziji sa planskom dokumentacijom Grada Zenica.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-539-8/23 izdatog od strane ovog organa dana 20.03.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

U sklopu projektne mjere 5 (PM5) Faza II, projektnom dokumentacijom predviđeno je izvesti dionicu kolektora «A» od revizionog okna RO34 do okna RO156 ukupne dužine $L=5.044,02\text{m}$. Na ovom kolektoru predviđena je izgradnja 4 prepumpne stanice i 122 reviziona okna.

Izgradnja/polaganje sekundarnog fekalnog kolektora «B» predviđeno je od okna RO121 (na glavnom kolektoru «A») u koji se ovaj sekundarni kolektor uključuje, do okna RO_B35 ukupne dužine $L=1.575,11\text{ m}$. Na ovom kolektoru predviđena je izgradnja 1 prepumpne stanice i 35 reviziona okna.

Oba kolektora se planiraju izgraditi od poliesterskog cijevnog materijala (GRP) promjera cijevi DN 300. Za tlačne cjevovode predviđene su ductil cijevi prečnika od DN80-DN100 mm a pumpne stanice su predviđene od armiranog poliestera instalirane ispod zemlje sa unutrašnjim prečnikom poliesterske cijevi od DN1600 mm do DN2000 mm. Revizionna okna su planirana od betonskih cijevi DN1000 mm.

Projektnom dokumentacijom je predviđeno polaganje trase kolektora uglavnom uz trup postojeće i planirane saobraćajnice (GGM), dva horizontalna bušenja ispod pruge, prolazak kolektora ispod saobraćajnice, ispod mosta Drivuša i djelimično u vodnom dobru rijeke Bosne.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, propisani uslovi u skladu sa članom 114. Zakona o vodama i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, koje je isti dužan ispuniti u toku gradnje/polaganja predmetnog kanalizacionog kolektora.

Uzimajući u obzir naprijed navedeno, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.


Obradivač akta:

Nermina Hodžić, dipl.ing.građ.

Prilog:

- Ovjeren Glavni projekat fekalnog kolektora na području Bojin Vir – Raspotočje – Drivuša, Projektna mjera br.5 (Knjiga «A» i «B»), urađen od strane «p2m berlin GmbH», «GFA Consulting Group», «IDOM Consulting» i «SARAJ INŽENJERING» d.o.o. Sarajevo (broj: 49284.6110 (174/20))

za Po ovlaštenju
Rukovodilac sektora za izdavanje vodnih akata



[Signature]
Haris Ališehović, dipl.ing.građ.

Dostaviti:

- JP «Vodovod i kanalizacija» d.o.o. Zenica
ul Bistua Nuova br 17, 72000 Zenica (prilog)
- AVP Sava, ISV-vodna knjiga
- ⊖ Sektor 40 – arhiva
- Oglasna ploča – AVP Sava